

გარანტირებული სიმძლავრის გაყიდვის შესახებ  
ხელშეკრულების სტანდარტული პირობები

ქ. თბილისი

1 სექტემბერი 2014 წ.

პრეამბულა

წინამდებარე ხელშეკრულების სტანდარტული პირობები (შემდგომში „სტანდარტული პირობები“) შემუშავებულია საქართველოს სამოქალაქო კოდექსის, „ელექტროენერგეტიკისა და ბუნებრივი გაზის შესახებ“ საქართველოს კანონის 23<sup>1</sup>-ე მუხლის მოთხოვნათა გათვალისწინებით და საქართველოს ენერგეტიკის მინისტრის 2006 წლის 30 აგვისტოს №77 ბრძანებით დამტკიცებული „ელექტროენერგიის (სიმძლავრის) ბაზრის წესების“ მე-20, 21-ე და 22-ე მუხლების მოთხოვნათა შესაბამისად.

მუხლი 1. ზოგადი პირობები

1.1 წინამდებარე სტანდარტული პირობები წარმოადგენს წინასწარ ჩამოყალიბებულ, მრავალჯერადი გამოყენებისათვის გამიზნულ სახელშეკრულებო პირობებს (ტიპიურ სახელშეკრულებო ფორმულარს), რომელსაც ერთი მხარე - სს „ელექტროენერგეტიკული სისტემის კომერციული ოპერატორი“ (ტექსტში შემდგომში „ელექტროენერგეტიკული ბაზრის ოპერატორი“, რეგისტრირებული ქ. თბილისის საგადასახადო ინსპექციის მიერ 2006 წლის 7 აგვისტოს, რეესტრის №205170036, წარმოდგენილი მისი გენერალური დირექტორის ვახტანგ ამბოკაძეს მიერ) უდგენს გარანტირებული სიმძლავრის შემსყიდველ იმ კვალიფიციურ საწარმოს, (ტექსტში შემდგომ „საწარმო“), რომელიც:

- ა) „ელექტროენერგეტიკისა და ბუნებრივი გაზის შესახებ“ საქართველოს კანონისა და „ელექტროენერგიის (სიმძლავრის) ბაზრის წესების“ (შემდგომში „ბაზრის წესები“) შესაბამისად, მონაწილეობს ელექტროენერგიითა და გარანტირებული სიმძლავრით საბითუმო ვაჭრობაში;

*[Handwritten signature]*

- ბ) „ელექტროენერგეტიკისა და ბუნებრივი გაზის შესახებ“ საქართველოს კანონისა და „ბაზრის წესების“ საფუძველზე ვალდებულია შეისყიდოს გარანტირებული სიმძლავრე;

1.2. საწარმოს სტანდარტულ პირობებთან მიერთება ხორციელდება მოქმედი კანონმდებლობისა და წინამდებარე სტანდარტული პირობების მე-4 მუხლის შესაბამისად.

1.3. სტანდარტული პირობებით ელექტროენერგეტიკული ბაზრის ოპერატორი საწარმოზე ყიდის გარანტირებული სიმძლავრის წყაროს მიერ უზრუნველყოფილ გარანტირებულ სიმძლავრეს, იმის გათვალისწინებით, რომ ელექტროენერგეტიკული ბაზრის ოპერატორი არ წარმოადგენს გარანტირებული სიმძლავრის წყაროს.

1.4. სტანდარტული პირობებით ხდება მოქმედი კანონმდებლობით, მათ შორის ბაზრის წესებით დადგენილი ნორმების შევსება. საკითხები, რომელიც არ არის გათვალისწინებული სტანდარტული პირობებით, რეგულირდება მოქმედი კანონმდებლობით.

## მუხლი 2. ტერმინთა განმარტებები

2.1. სტანდარტულ პირობებში გამოყენებულ ძირითად ტერმინებს გააჩნიათ იგივე მნიშვნელობა, რაც გათვალისწინებულია „ელექტროენერგეტიკისა და ბუნებრივი გაზის შესახებ“ საქართველოს კანონით, საქართველოს ენერგეტიკის სამინისტროსა და საქართველოს ენერგეტიკისა და წყალმომარაგების მარეგულირებელი ეროვნული კომისიის მიერ გამოცემული (მიღებული) შესაბამისი კანონქვემდებარე ნორმატიული აქტებით.

## მუხლი 3. სტანდარტული პირობების საგანი

3.1. სტანდარტული პირობების თანახმად, ელექტროენერგეტიკული ბაზრის ოპერატორი, უზრუნველყოფს გარანტირებული სიმძლავრის წყაროებიდან „გარანტირებული სიმძლავრის ყიდვის შესახებ ხელშეკრულების სტანდარტული პირობების“ საფუძველზე შესყიდული გარანტირებული სიმძლავრის გაყიდვას საწარმოზე, ხოლო საწარმო, ამ ხელშეკრულებით დადგენილი წესითა და პირობებით, უზრუნველყოფს გარანტირებული



სიმძლავრის მზადყოფნისათვის გათვალისწინებული საფასურის სრულ და დროულ ანაზღაურებას.

#### მუხლი 4. სტანდარტულ პირობებთან მიერთება

4.1. საწარმო ამ ხელშეკრულების მხარედ ჩაითვლება და, შესაბამისად, საწარმოს მიერ გარანტირებული სიმძლავრე წინამდებარე სტანდარტული პირობებით შესყიდულად ჩაითვლება იმ შემთხვევაში, თუ:

4.1.1. იგი წარმოადგენს კვალიფიციურ საწარმოს, როგორც განაწილების ლიცენზიატი, პირდაპირ მომხმარებელი ან ექსპორტიორი;

4.1.2. საანგარიშო პერიოდში მიწოდების პუნქტებში მიღებული აქვს ელექტროენერგია მისი განაწილების და ელექტროენერგიის საცალო მომხმარებლებისათვის გატარების, პირდაპირი მომხმარებლისა ან ექსპორტის მიზნებისათვის.

4.2. სტანდარტულ პირობებთან მიერთებისთანავე საწარმო ხდება ამ პირობებით გათვალისწინებულ უფლება-მოვალეობათა სუბიექტი.

#### მუხლი 5. გარანტირებული სიმძლავრის საფასური

5.1. ელექტროენერგეტიკული ბაზრის ოპერატორის მიერ საწარმოზე გაყიდული გარანტირებული სიმძლავრის საფასური გამოითვლება „ელექტროენერგეტიკისა და ბუნებრივი გაზის შესახებ“ საქართველოს კანონის, „ბაზრის წესებისა“ და საქართველოს ენერგეტიკისა და წყალმომარაგების მარეგულირებელი ეროვნული კომისიის შესაბამისი დადგენილების თანახმად.

5.2. საწარმოს მიერ გადასახდელი გარანტირებული სიმძლავრის საფასური დგინდება გარანტირებული სიმძლავრის თითოეული წყაროს მიხედვით ცალ-ცალკე.

5.3. ელექტროენერგეტიკული ბაზრის ოპერატორი ვალდებულია, საწარმოს მოთხოვნის შემთხვევაში, წარუდგინოს მას ინფორმაცია გარანტირებული სიმძლავრის საფასურის გაანგარიშების თაობაზე.

5.4. ელექტროენერგეტიკული ბაზრის ოპერატორი არ წარმოადგენს ელექტროენერგეტიკული სისტემის გარანტირებული სიმძლავრით უზრუნველყოფაზე პასუხისმგებელ პირს.

## მუხლი 6. ანგარიშსწორება

6.1. საწარმოზე გაყიდული გარანტირებული სიმძლავრე აისახება ელექტროენერგეტიკული ბაზრის ოპერატორსა და საწარმოს შორის გაფორმებულ გარანტირებული სიმძლავრის გაყიდვის აქტში.

6.2. ელექტროენერგეტიკული ბაზრის ოპერატორი საწარმოს სათანადოდ გაფორმებულ და დამოწმებულ გარანტირებული სიმძლავრის გაყიდვის აქტის 4 ეგზეპლარს ხელმოსაწერად წარუდგენს საანგარიშო პერიოდის დასრულებიდან არაუგვიანეს 12 კალენდარული დღისა. საწარმო ვალდებულია ხელმოწერილი აქტის 2 ეგზემპლარი ელექტროენერგეტიკული ბაზრის ოპერატორს დაუბრუნოს მიღებიდან 2 კალენდარული დღის ვადაში.

6.3. გარანტირებული სიმძლავრის გაყიდვის აქტით წარდგენილი მონაცემების საფუძველზე (მიუხედავად იმისა, დადასტურებულია თუ არა იგი საწარმოს მიერ), ელექტროენერგეტიკული ბაზრის ოპერატორი გამოწერს და საწარმოს წარუდგენს შესაბამის საანგარიშსწორებო დოკუმენტაციას (ანგარიშ-ფაქტურას) გარანტირებული სიმძლავრის საფასურზე. საგადასახადო ანგარიშ-ფაქტურის გამოწერისა და წარდგენის პირობები და წესი რეგულირდება შესაბამისი საგადასახადო კანონმდებლობით;

6.4. საწარმო ვალდებულია, არაუგვიანეს საანგარიშო პერიოდის დასრულებიდან 25 კალენდარული დღისა, საანგარიშსწორებო დოკუმენტაციაში ან სხვა შესაბამის დოკუმენტში მითითებულ საბანკო ანგარიშზე გადარიცხვის გზით, პირდაპირ აუნაზღაუროს ელექტროენერგეტიკული ბაზრის ოპერატორს საანგარიშსწორებო დოკუმენტაციაში მითითებული თანხა. ვალდებულება შესრულებულად ითვლება ელექტროენერგეტიკული ბაზრის ოპერატორის საბანკო ანგარიშზე გარანტირებული



სიმძლავრის სრული ღირებულების ჩარიცხვის დღეს. მიუხედავად იმისა, ეთანხმება თუ არა საწარმო გარანტირებული სიმძლავრის გაყიდვის აქტის ან/და საანგარიშსწორებო დოკუმენტაციის (ანგარიშ-ფაქტურის) მონაცემებს, საწარმომ უნდა გადარიცხოს ელექტროენერგეტიკული ბაზრის ოპერატორის ანგარიშზე საანგარიშსწორებო დოკუმენტაციაში (ანგარიშ-ფაქტურაში) აღნიშნული თანხა.

6.5. თუ გარანტირებული სიმძლავრის ღირებულების (საქართველოს საგადასახადო კანონმდებლობით გათვალისწინებული საკომპენსაციო თანხის) კორექტირების შედეგად:

6.5.1. იზრდება გარანტირებული სიმძლავრის საფასური, საწარმო ვალდებულია მაკორექტირებელი საანგარიშსწორებო დოკუმენტაციის (ანგარიშ-ფაქტურის) გამოწერის თვის დასრულებიდან არაუგვიანეს 25 კალენდარული დღისა აუნაზღაუროს ელექტროენერგეტიკული ბაზრის ოპერატორს კორექტირების შედეგად დამატებით გადასახდელი თანხა;

6.5.2. მცირდება გარანტირებული სიმძლავრის საფასური, ელექტროენერგეტიკული ბაზრის ოპერატორი ვალდებულია მაკორექტირებელი საანგარიშსწორებო დოკუმენტაციის (ანგარიშ-ფაქტურის) გამოწერის თვის დასრულებიდან არაუგვიანეს 28 კალენდარული დღისა აუნაზღაუროს საწარმოს სასარგებლოდ მეტობით რიცხული თანხა.

6.6. მხარეთა შორის ანგარიშსწორება, როგორც წესი, ხორციელდება უნაღდო ანგარიშსწორების წესით, თუ ელექტროენერგეტიკული ბაზრის ოპერატორის მხრიდან არ იქნება წერილობით მოთხოვნილი ანგარიშსწორების სხვა მიღებული წესის გამოყენება.

6.7. თუ გარანტირებული სიმძლავრის საფასური ან/და კორექტირების შედეგად დამატებით გადასახდელი თანხა საწარმოს მიერ არ იქნა დაფარული ან არასრულად იქნა დაფარული სტანდარტული პირობებით განსაზღვრულ ვადაში, გადაუხდელ თანხას გადახდისათვის დადგენილი თარიღიდან დაერიცხება პირგასამტეხლო ყოველ ვადაგადაცილებულ დღეზე 0,06 %-იანი განაკვეთით, რომლის დარიცხვა დაიწყება საანგარიშო პერიოდის ან მაკორექტირებელი საანგარიშსწორებო დოკუმენტაციის (ანგარიშ-ფაქტურის) გამოწერის თვის დასრულებიდან 26-ე კალენდარულ დღეს, ხოლო პირგასამტეხლოს დარიცხვა შეწყდება იმ დღის მომდევნო დღეს (მომდევნო დღის





ჩაუთვლელად), როდესაც ელექტროენერგეტიკული ბაზრის ოპერატორის საბანკო ანგარიშზე ჩაირიცხება გადაუხდელი თანხა.

6.8. პირგასამტეხლოს გაანგარიშება ხდება საანგარიშო პერიოდის დასრულებისთანავე, რის შესახებაც ელექტროენერგეტიკული ბაზრის ოპერატორი წერილს უგზავნის საწარმოს თანდართული გაანგარიშებით. დარიცხული პირგასამტეხლოს გადახდის ვალდებულება საწარმოს წარმოეშობა წერილობითი შეტყობინების მიღების შემდეგ.

6.9. სტანდარტული პირობების საფუძველზე საწარმოს მიერ ასანაზღაურებელი თანხა არ ექვემდებარება საპირისპირო მოთხოვნებში ან/და სხვაგვარად ჩათვლასა თუ გაქვითვას, ელექტროენერგეტიკული ბაზრის ოპერატორის წინასწარი წერილობითი თანხმობის გარეშე. სტანდარტული პირობების საფუძველზე საწარმოს მიერ ასანაზღაურებელი თანხის გადახდის ვალდებულების სხვა (მესამე) პირისათვის გადაცემა დაუშვებელია ელექტროენერგეტიკული ბაზრის ოპერატორის წინასწარი წერილობითი თანხმობის გარეშე.

6.10. სტანდარტული პირობების შესაბამისად, გარანტირებული სიმძლავრის ღირებულების ან მასთან დაკავშირებული ნებისმიერი გადასახადის, გადასახდელის ან დაკისრებული პირგასამტეხლოს არასრული გადახდის ან/და გადახდის ვადის დარღვევის შემთხვევაში, ელექტროენერგეტიკული ბაზრის ოპერატორი უფლებამოსილია მიმართოს კანონმდებლობით გათვალისწინებულ ზომებს, რაც მოიცავს, მაგრამ არ შემოიფარგლება ელექტროენერგეტიკული ბაზრის ოპერატორის უფლებით, მოითხოვოს საწარმოსათვის ელექტროენერგიის მიწოდების შეზღუდვა ან შეწყვეტა მოქმედი კანონმდებლობით დადგენილი წესით;

## მუხლი 7. გადახდის გარანტია

7.1. საწარმოს მიერ სტანდარტული პირობების 6.4 და 6.5.1 მუხლებით გათვალისწინებული ვალდებულების დარღვევისას, ელექტროენერგეტიკული ბაზრის ოპერატორი უფლებამოსილია წერილობით მოსთხოვოს საწარმოს საბანკო გარანტიის წარმოდგენა, როგორც მოთხოვნის თარიღისათვის არსებულ, ასევე მომავალ საანგარიშო პერიოდში (პერიოდებში) მოსალოდნელ სავარაუდო გადასახდელ თანხაზე. საბანკო გარანტიით



უზრუნველყოფილი თანხა არ შეიძლება იყოს 6.4 და 6.5.1 მუხლების შესაბამისად გადაუხდელობა თანხაზე ნაკლები.

7.2. საწარმოს მიერ საბანკო გარანტიის წარმოდგენილობა შესაძლოა გახდეს საწარმოს მიმართ სტანდარტული პირობების 6.10 მუხლით გათვალისწინებულ ღონისძიებების გატარების საფუძველი. ელექტროენერგეტიკული ბაზრის ოპერატორი ელექტროენერგიის (სიმძლავრის) მიწოდების შეწყვეტის ან შეზღუდვის თაობაზე შეტყობინებას დისპეტჩერიზაციის ლიცენზიატს უგზავნის ბაზრის წესების შესაბამისად.

#### მუხლი 8. ფორს-მაჟორი

8.1. სტანდარტულ პირობებში ფორს-მაჟორი და ფორს-მაჟორული მოვლენა რომელიმე მხარისათვის ნიშნავს ისეთ მოვლენას ან გარემოებას, რომელსაც მოცემული მხარე სათანადოდ ვერ აკონტროლებს, რომლის თავიდან აცილება, შეჩერება ან გამოსწორება არ ხერხდება, მიუხედავად მოცემული მხარის ყველაანაირი ძალისხმევისა, და რომლის შედეგადაც ან რომლის გამოც რომელიმე მხარე ვერ ასრულებს სტანდარტულ პირობებიდან გამომდინარე თავის მოვალეობებს. ფორს-მაჟორულ მოვლენაში იგულისხმება (მაგრამ არა მხოლოდ):

8.1.1. ომი, საომარი მოქმედებები, ბლოკადა, მობილიზაცია, რეკვიზიცია ან ემბარგო;

8.1.2. აჯანყება, რევოლუცია, ამბოხება, სამოქალაქო ომი, საზოგადო წესრიგის დარღვევა, სამოქალაქო არეულობა, საბოტაჟი და ტერორისტული აქტები;

8.1.3. ელვა, ხანძარი, აფეთქება, შტორმი, ქარი, წყალდიდობა, მიწისძვრა, ქარიშხალი და სხვა სტიქიური მოვლენები;

8.2. არც ერთ მხარეს არ მოეთხოვება სტანდარტული პირობების შესრულება და არ ჩაეთვლება ვალდებულების შეუსრულებლობად, თუ ნებისმიერი ვალდებულების შეუსრულებლობის გამომწვევი მიზეზი ფორს-მაჟორული მოვლენაა, იმ პირობით, რომ ერთ-ერთი მხარის მიერ სახსრების ნაკლებობა არ ჩაითვლება ფორს-მაჟორულ მოვლენად.

8.3. მხარეები თავისუფლდებიან პასუხისმგებლობისგან სტანდარტული პირობებით გათვალისწინებული ვალდებულებების ნაწილობრივ ან მთლიან შეუსრულებლობაზე

მხოლოდ ამ მუხლის 8.1 პუნქტით გათვალისწინებული მოვლენების მოქმედების პერიოდში. ასეთ შემთხვევებში, სტანდარტული პირობებით განსაზღვრული ვალდებულებების შესრულების ვადები გადაიწევს იმ პერიოდით, რომლის განმავლობაშიც მოქმედებს ფორს-მაჟორული მოვლენები.

8.4. ფორს-მაჟორული მოვლენის შემთხვევაში მხარემ, რომელსაც იგი უშუალოდ ეხება, 5 სამუშაო დღის განმავლობაში წერილობით უნდა აცნობოს მეორე მხარეს ამ მოვლენის შესახებ, შესაბამისი ფაქტების და მონაცემების, სავარაუდო შედეგებისა და მისი ხანგრძლივობის მითითებით, ხოლო მომდევნო ერთი თვის განმავლობაში უნდა წარმოადგინოს ფორს-მაჟორული მოვლენის დამადასტურებელი შესაბამისი დოკუმენტი (საქართველოს სავაჭრო-სამრეწველო პალატის მიერ დადგენილი წესით გაცემული ცნობა).

## მუხლი 9. დავების გადაწყვეტა

9.1 ელექტროენერგეტიკული ბაზრის ოპერატორი და საწარმო განახორციელებენ ყველა შესაძლო ღონისძიებას, რათა მორიგებით დაასრულონ ნებისმიერი დავა ან უთანხმოება, რომელიც შესაძლოა წარმოიქმნას სტანდარტულ პირობებთან (მის განმარტებასთან, გამოყენებასთან ან/და შესრულებასთან) დაკავშირებით.

9.2. იმ შემთხვევაში, თუ მხარეები ვერ მიაღწევენ შეთანხმებას, სადავო საკითხი წარედგინება საქართველოს ენერგეტიკისა და წყალმომარაგების მარეგულირებელ ეროვნულ კომისიას ან საქართველოს ფარგლებში მოქმედ იმ სასამართლოს, რომლის იურისდიქცია ვრცელდება სტანდარტული პირობების შესრულების ადგილზე.

9.3. ელექტროენერგეტიკული ბაზრის ოპერატორს უფლება აქვს მოითხოვოს პირველი ინსტანციის სასამართლოს მიერ მიღებული გადაწყვეტილების დაუყოვნებლივ აღსასრულებლად მიქცევა საქართველოს სამოქალაქო საპროცესო კოდექსის 268-ე მუხლის 1<sup>1</sup> ნაწილის შესაბამისად.



## მუხლი 10. სხვა პირობები

10.1. თუ სტანდარტული პირობების რომელიმე დებულება ან მისი ნაწილი ან რომელიმე მხარის მიმართ მისი გამოყენება არ არის კანონიერი ან მისი განხორციელება შეუძლებელია, მაშინ სტანდარტული პირობების ყველა სხვა დებულება, შეძლებისდაგვარად, წაიკითხება როგორც მოქმედი და განხორციელებადი ან იმგვარად, რომ ისინი კვლავაც სრულ ძალაში დარჩნენ, ხოლო უმოქმედო და განუხორციელებელი ნაწილი უნდა გამოეყოს სტანდარტულ პირობებს ისე, რომ რაც შეიძლება სრულად იქნას შენარჩუნებული სტანდარტული პირობების სხვა დებულებების კანონიერება და მათი განხორციელების შესაძლებლობა.

10.2. სტანდარტული პირობებით გათვალისწინებული პირობები შესასრულებლად სავალდებულოა მხარეებისათვის და მათი შესაბამისი უფლებამონაცვლეთათვის. დაუშვებელია სტანდარტული პირობებით გათვალისწინებული ვალდებულებების გადაცემა სხვა მხარისათვის, მეორე მხარის წინასწარი წერილობითი თანხმობის გარეშე.

10.3. სტანდარტული პირობები რეგულირდება და განიმარტება საქართველოს კანონმდებლობის შესაბამისად.

10.4. ხელშეკრულების შესრულების ადგილია ქ. თბილისი.

10.5. სტანდარტული პირობები ძალაში შედის 2014 წლის 1 სექტემბრიდან და მოქმედებს უვადოდ.

*ქ. მუხლი*

სს „ელექტროენერგეტიკული სისტემის  
კომერციული ოპერატორი“

მისამართი: საქართველო, თბილისი, ძველი  
თბილისის რაიონი, ბარათაშვილის ქ. №2.

საბანკო რეკვიზიტები: სს „თიბისი ბანკი“,  
ვერის ფილიალი

ბანკის კოდი TBCBGE22

ა/ა GE76TB7505936030100001

საიდენტიფიკაციო კოდი: 205170036

გაბატონებული  
გენერალური დირექტორი







საქართველოს ენერგეტიკისა და წყალმომარაგების  
გარეგნული ურთიერთობების  
კომისია

ბ ა ლ ა წ ყ ვ ე ბ ი ლ ე ბ ა № 30/2

2014 წლის 14 აგვისტო

ქ. თბილისი

გარანტირებული სიმძლავრის გაყიდვის შესახებ ხელშეკრულების  
სტანდარტული პირობების დამტკიცების შესახებ

„ელექტროენერგეტიკისა და ბუნებრივი გაზის შესახებ“ საქართველოს კანონის მე-5 მუხლის მეორე პუნქტისა და 23<sup>1</sup> მუხლის მეოთხე პუნქტის საფუძველზე, საქართველოს ენერგეტიკისა და წყალმომარაგების მარეგულირებელმა ეროვნულმა კომისიამ გადაწყვიტა:

1. დამტკიცდეს თანდართული „გარანტირებული სიმძლავრის გაყიდვის შესახებ ხელშეკრულების სტანდარტული პირობები“.
2. გადაწყვეტილება ძალაშია კომისიის სხდომაზე გამოცხადების დღიდან.
3. გადაწყვეტილება შეიძლება გასაჩივრდეს თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი, მე-12 კმ, №6), მისი საჯაროდ გამოქვეყნებიდან ერთი თვის ვადაში.
4. დაევალოს კომისიის საზოგადოებასთან ურთიერთობის დეპარტამენტს (ნ. ლაშხია), დაუყოვნებლივ უზრუნველყოს ამ გადაწყვეტილების საჯაროდ გამოქვეყნება კომისიის შენობაში საჯაროდ ხელმისაწვდომ ადგილას და კომისიის ვებ-გვერდზე ([www.gnec.org](http://www.gnec.org)).
5. კონტროლი გადაწყვეტილების შესრულებაზე დაევალოს კომისიის ელექტროენერგეტიკის დეპარტამენტს (ნ. ბერიძე).

თავმჯდომარე

კომისიის წევრი

კომისიის წევრი

ი. მილორავა

მ. ნადირაძე

გ. შონია





24/03-14'

რეგისტრირებულია  
სს "საქართველოს სახელმწიფო  
მდებარისების" მიერ  
თარიღი 16-08-16 № 5/003-004

გარანტირებული სიმძლავრის გაყიდვის შესახებ ხელშეკრულების სტანდარტული  
პირობების

ცვლილება №1

ქ.თბილისი

11 აგვისტო, 2016 წელი

საქართველოს ენერგეტიკისა და წყალმომარაგების მარეგულირებელი ეროვნული  
კომისიის 2016 წლის 24 მაისის №36/33 და 2016 წლის 4 აგვისტოს №52/13  
გადაწვეტილებების საფუძველზე, 2014 წლის 1 სექტემბრის (დისპეტჩერიზაციის  
ლიცენზიატის რეგისტრაციის № N5/003-00 თარიღი 26.08.2014) "გარანტირებული  
სიმძლავრის გაყიდვის შესახებ ხელშეკრულების სტანდარტულ პირობებში"  
განხორციელდეს შემდეგი სახის ცვლილებები:

1. ხელშეკრულების 4.1.1-4.1.2 პუნქტები ჩამოყალიბდეს შემდეგი რედაქციით:  
"4.1.1. ელექტროენერგეტიკული ბაზრის ოპერატორის მიერ იგი  
რეგისტრირებულია კვალიფიციურ საწარმოდ როგორც: განაწილების  
ლიცენზიატი, პირდაპირი მომხმარებელი, ექსპორტიორი ან ელექტროსადგურის  
მფლობელი პირი ელექტროსადგურის ექსპლუატაციაში მიღების მიზნით  
საცდელი გაშვებისა ან/და კომპლექსური გასინჯვის პერიოდში;  
4.1.2. საანგარიშო პერიოდში მიწოდების პუნქტებში მიღებული აქვს  
ელექტროენერგია მისი განაწილების და ელექტროენერგიის საცალო  
მომხმარებლებისათვის გატარების, პირდაპირი მოხმარების, ექსპორტის ან  
ელექტროსადგურის ექსპლუატაციაში მიღების მიზნით საცდელი გაშვებისა  
ან/და კომპლექსური გასინჯვის პერიოდში ელექტროსადგურის საკუთარი  
მომხმარების მიზნებისთვის."
2. ხელშეკრულების 6.4 პუნქტის შემდეგ დაემატოს შემდეგი შინაარსის 6.4<sup>1</sup>.  
პუნქტი:  
"6.4<sup>1</sup>. მიუხედავად იმისა, ეთანხმება თუ არა საწარმო გარანტირებული  
სიმძლავრის გაყიდვის აქტის ან/და საანგარიშსწორებო დოკუმენტაციის  
(ანგარიშ-ფაქტურის) მონაცემებს, საწარმომ უნდა გადარიცხოს  
ელექტროენერგეტიკული ბაზრის ოპერატორის ანგარიშზე საანგარიშსწორებო  
დოკუმენტაციაში (ანგარიშ-ფაქტურაში) აღნიშნული თანხა. ვალდებულება  
სრულად შესრულებულად ითვლება, ელექტროენერგეტიკული ბაზრის  
ოპერატორის საბანკო ანგარიშზე გარანტირებული სიმძლავრის სრული  
ღირებულების ჩარიცხვის დღეს. საწარმო ვალდებულია, წინამდებარე  
ხელშეკრულებიდან გამომდინარე ვალდებულებების შესრულების დროს,  
საგადახდო დავალებაში მიუთითოს გადახდის დანიშნულება (დავალიანების  
დასახელება, რომლის დაფარვაც ხდება).  
იმ შემთხვევაში, თუ საგადახდო დავალებაში მითითებული არ იქნება  
გადახდის დანიშნულება და გადახდილი თანხა არ იქნება საკმარისი ბაზრის  
ოპერატორის წინაშე არსებული ყველა ვალის დასაფარად, ვალის დაფარვა  
მოხდება საქართველოს სამოქალაქო კოდექსის 387-ე მუხლის პირობების  
შესაბამისად, ხოლო თანაბარი სიმძიმის მოთხოვნების შემთხვევაში, ბაზრის  
ოპერატორი გადახდილი თანხის გადანაწილებას მოახდენს გარანტირებული

გ. ა. შიშ



სიმძლავრისა და საბაზანსო ელექტროენერგიის საფასურის დავალიანებებს შორის პროპორციულად.”

3. წინამდებარე ცვლილება ძალაში შედის საქართველოს ენერგეტიკისა და წყალმომარაგების მარეგულირებელი ეროვნული კომისიის ადმინისტრაციულ-სამართლებრივი აქტით დამტკიცებისა და “ელექტროენერგიის (სიმძლავრის) ბაზრის წესებით” დადგენილი წესით დისპეტჩერიზაციის ლიცენზიანტთან რეგისტრაციისთანავე და მოქმედებს უვადოდ.

სს “ელექტროენერგეტიკული სისტემის

კომერციული ოპერატორი”

მისამართი: საქართველო, თბილისი,

ძველი თბილისის რაიონი, ბარათაშვილის ქ. №2

საბანკო რეკვიზიტები: სს “თიბისი ბანკი”

ბანკის კოდი TBCBGE22

ა/ა GE76TB7505936030100001

საიდენტიფიკაციო კოდი: 205170036

ვახტანგ ამბოკაძე

გენერალური დირექტორი





საქართველოს ენერგეტიკისა და წყალმომარაგების  
მარეგულირებელი ეროვნული კომისია

ბ ა ლ ა წ ყ ვ ე ტ ი ლ ე ბ ა № 36/33

2016 წლის 24 მაისი

ქ. თბილისი

„გარანტირებული სიმძლავრის გაყიდვის შესახებ ხელშეკრულების სტანდარტული პირობების დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილებაში ცვლილების შეტანის თაობაზე

„ელექტროენერგეტიკისა და ზუნებრივი გაზის შესახებ“ საქართველოს კანონის მე-5 მუხლისა და 23<sup>1</sup> მუხლის მეოთხე პუნქტისა და კომისიის 2003 წლის 7 აგვისტოს № 12 დადგენილებით დამტკიცებული „ადმინისტრაციული წარმოების განხორციელების დებულების“ 29-ე მუხლის საფუძველზე, საქართველოს ენერგეტიკისა და წყალმომარაგების მარეგულირებელმა ეროვნულმა კომისიამ

გადაწყვიტა:

1. საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილების პირველი პუნქტით დამტკიცებული „გარანტირებული სიმძლავრის გაყიდვის შესახებ ხელშეკრულების სტანდარტული პირობებში“ შეტანილ იქნეს შემდეგი ცვლილება:

ა) 4.1.1.–4.1.2. პუნქტები ჩამოყალიბდეს შემდეგი რედაქციით:

„4.1.1. ელექტროენერგეტიკული ბაზრის ოპერატორის მიერ იგი რეგისტრირებულია კვალიფიკიურ საწარმოდ როგორც: განაწილების ლიცენზიატი, პირდაპირი მომხმარებელი, ექსპორტიორი, ან ელექტროსადგურის მფლობელი პირი ელექტროსადგურის ექსპლუატაციაში მიღების მიზნით საცდელი გაშვებისა ან/და კომპლექსური გასინჯვის პერიოდში;

4.1.2. საანგარიშო პერიოდში მიწოდების პუნქტებში მიღებული აქვს ელექტროენერგია მისი განაწილების და ელექტროენერგიის საცალო მომხმარებლებისათვის გატარების, პირდაპირი მოხმარების, ექსპორტის ან ელექტროსადგურის ექსპლუატაციაში მიღების მიზნით საცდელი გაშვებისა ან/და კომპლექსური გასინჯვის პერიოდში ელექტროსადგურის საკუთარი მოხმარების მიზნებისთვის.“;





ბ) 6.4. პუნქტის შემდეგ დაემატოს შემდეგი შინაარსის 6.4<sup>1</sup>. პუნქტი:

6.4<sup>1</sup>. მიუხედავად იმისა, ეთანხმება თუ არა საწარმო ელექტროენერგიის მიღება-ჩაბარების აქტს ან/და საანგარიშსწორებო დოკუმენტაციის (ანგარიშ-ფაქტურის) მონაცემებს, საწარმომ უნდა გადარიცხოს ელექტროენერგეტიკული ბაზრის ოპერატორის ანგარიშზე საანგარიშსწორებო დოკუმენტაციაში (ანგარიშ-ფაქტურაში) აღნიშნული თანხა. ვალდებულება სრულად შესრულებულად ითვლება, ელექტროენერგეტიკული ბაზრის ოპერატორის საბანკო ანგარიშზე საბალანსო ელექტროენერგიის სრული ღირებულების ჩარიცხვის დღეს. საწარმო ვალდებულია, წინამდებარე ხელშეკრულებიდან გამომდინარე ვალდებულებების შესრულების დროს, საგადახდო დავალებაში მიუთითოს გადახდის დანიშნულება (დავალიანების დასახელება, რომლის დაფარვაც ხდება).

იმ შემთხვევაში, თუ საგადახდო დავალებაში მიუთითებული არ იქნება გადახდის დანიშნულება და გადახდილი თანხა არ იქნება საკმარისი ბაზრის ოპერატორის წინაშე არსებული ყველა ვალის დასაფარად, ვალის დაფარვა მოხდება საქართველოს სამოქალაქო კოდექსის 387-ე მუხლის პირობების შესაბამისად, ხოლო თანაბარი სიმძიმის მოთხოვნების შემთხვევაში, ბაზრის ოპერატორი გადახდილი თანხის გადანაწილებას მოახდენს საბალანსო ელექტროენერგიისა და გარანტირებული სიმძლავრის საფასურის დავალიანებებს შორის პროპორციულად.“.

2. გადაწყვეტილება ძალაშია კომისიის საჯარო სხდომაზე გამოცხადების დღიდან.
3. გადაწყვეტილება შეიძლება გასაჩივრდეს თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი, მე-12 კმ, №6), მისი საჯაროდ გამოქვეყნებიდან ერთი თვის ვადაში.
4. დაევალოს კომისიის საზოგადოებასთან ურთიერთობის დეპარტამენტს (ნ. ლაშხია), დაუყოვნებლივ უზრუნველყოს ამ გადაწყვეტილების საჯაროდ გამოქვეყნება კომისიის შენობაში საჯაროდ ხელმისაწვდომ ადგილას და კომისიის ვებ-გვერდზე ([www.gnec.org](http://www.gnec.org)).
5. კონტროლი გადაწყვეტილების შესრულებაზე დაევალოს კომისიის ელექტროენერგეტიკის დეპარტამენტს (ნ. ბერიძე).

თავმჯდომარე

კომისიის წევრი

კომისიის წევრი



ი. მილორავე

გ. შონია

გ. ფანგანი





საქართველოს ენერგეტიკისა და წყალმომარაგების  
პარამულისრეგულირებელი ეროვნული კომისია

გ ა ღ ა წ ყ ვ ე ტ ი ლ ე ბ ა №52/13

2016 წლის 4 აგვისტო

ქ. თბილისი

„გარანტირებული სიმძლავრის გაყიდვის შესახებ ხელშეკრულების სტანდარტული პირობების დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილებაში ცვლილების შეტანის თაობაზე“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2016 წლის 24 მაისის №36/33 გადაწყვეტილებაში შეცდომის გასწორების თაობაზე

საქართველოს ენერგეტიკისა და წყალმომარაგების მარეგულირებელმა ეროვნულმა კომისიამ (შემდგომში – კომისია) საჯარო სხდომაზე განიხილა საკითხი „გარანტირებული სიმძლავრის გაყიდვის შესახებ ხელშეკრულების სტანდარტული პირობების დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილებაში ცვლილების შეტანის თაობაზე“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2016 წლის 24 მაისის №36/33 გადაწყვეტილებაში შეცდომის გასწორების თაობაზე.

კომისიამ 2016 წლის 24 მაისს მიიღო №36/33 გადაწყვეტილება, რომლის თანახმადაც, კომისიის 2014 წლის 14 აგვისტოს №30/2 გადაწყვეტილებით დამტკიცებულ „გარანტირებული სიმძლავრის გაყიდვის შესახებ ხელშეკრულების სტანდარტული პირობებში“ (შემდგომში – სტანდარტული პირობები) შევიდა ცვლილება: სტანდარტული პირობების 4.1.1. და 4.1.2 პუნქტები ჩამოყალიბდა ახალი რედაქციით და სტანდარტულ პირობებს დაემატა 6.4<sup>1</sup>. პუნქტი, რომელშიც დაშვებულ იქნა ტექნიკური შეცდომა, კერძოდ, №36/33 გადაწყვეტილების 6.4<sup>1</sup> პუნქტის პირველი პარაგრაფის პირველ წინადადებაში „გარანტირებული სიმძლავრის გაყიდვის აქტის“ ნაცვლად მითითებულ იქნა „ელექტროენერგიის მიღება-ჩაბარების აქტი“, ხოლო იმავე პუნქტის პირველი პარაგრაფის მეორე წინადადებაში „გარანტირებული სიმძლავრის საფასურის სრული ღირებულების“ ნაცვლად მითითებულ იქნა „საბალანსო ელექტროენერგიის საფასურის სრული ღირებულება“.



„ელექტროენერგეტიკისა და ბუნებრივი გაზის შესახებ“ საქართველოს კანონის მე-5 მუხლისა და საქართველოს ზოგადი ადმინისტრაციული კოდექსის 59-ე მუხლის საფუძველზე, საქართველოს ენერგეტიკისა და წყალმომარაგების მარეგულირებელმა ეროვნულმა კომისიამ

#### გადაწყვეტა:

1. „გარანტირებული სიმძლავრის გაყიდვის შესახებ ხელშეკრულების სტანდარტული პირობების დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილებაში ცვლილების შეტანის თაობაზე“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2016 წლის 24 მაისის №36/33 გადაწყვეტილების პირველი პუნქტის „ბ“ ქვეპუნქტი ჩამოყალიბდეს შემდეგი რედაქციით:

„ბ) 6.4. პუნქტის შემდეგ დამატოს შემდეგი შინაარსის 6.4<sup>1</sup>. პუნქტი:

6.4<sup>1</sup>. მიუხედავად იმისა, ეთანხმება თუ არა საწარმო გარანტირებული სიმძლავრის გაყიდვის აქტის ან/და საანგარიშსწორებო დოკუმენტაციის (ანგარიშ-ფაქტურის) მონაცემებს, საწარმომ უნდა გადარიცხოს ელექტროენერგეტიკული ბაზრის ოპერატორის ანგარიშზე საანგარიშსწორებო დოკუმენტაციაში (ანგარიშ-ფაქტურაში) აღნიშნული თანხა. ვალდებულება სრულად შესრულებულად ითვლება, ელექტროენერგეტიკული ბაზრის ოპერატორის საბანკო ანგარიშზე გარანტირებული სიმძლავრის სრული ღირებულების ჩარიცხვის დღეს. საწარმო ვალდებულია, წინამდებარე ხელშეკრულებიდან გამომდინარე ვალდებულებების შესრულების დროს, საგადახდო დავალებაში მიუთითოს გადახდის დანიშნულება (დავალიანების დასახელება, რომლის დაფარვაც ხდება).

იმ შემთხვევაში, თუ საგადახდო დავალებაში მითითებული არ იქნება გადახდის დანიშნულება და გადახდილი თანხა არ იქნება საკმარისი ბაზრის ოპერატორის წინაშე არსებული ყველა ვალის დასაფარად, ვალის დაფარვა მოხდება საქართველოს სამოქალაქო კოდექსის 387-ე მუხლის პირობების შესაბამისად, ხოლო თანაბარი სიმძიმის მოთხოვნების შემთხვევაში, ბაზრის ოპერატორი გადახდილი თანხის გადანაწილებას მოახდენს გარანტირებული სიმძლავრისა და საბალანსო ელექტროენერგიის საფასურის დავალიანებებს შორის პროპორციულად.“.

2. გადაწყვეტილება ძალაშია კომისიის სხდომაზე გამოცხადების დღიდან.
3. გადაწყვეტილება შეიძლება გასაჩივრდეს თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი, მე-12 კმ, №6), მისი საჯაროდ გამოქვეყნებიდან ერთი თვის ვადაში.

4. დაევალოს კომისიის საზოგადოებასთან ურთიერთობის დეპარტამენტს (ნ. ლაშხია), დაუყოვნებლივ უზრუნველყოს ამ გადაწყვეტილების საჯაროდ გამოქვეყნება კომისიის შენობაში საჯაროდ ხელმისაწვდომ ადგილას და კომისიის ვებ-გვერდზე ([www.gnerc.org](http://www.gnerc.org)).
5. კონტროლი გადაწყვეტილების შესრულებაზე დაევალოს კომისიის ელექტროენერგეტიკის დეპარტამენტს (ნ. ბერიძე).

ირინა მილორავა

კომისიის თავმჯდომარე

გიორგი ფანგანი

კომისიის წევრი

გოჩა შონია

კომისიის წევრი





24/03-14 II



გარანტირებული სიმძლავრის გაყიდვის შესახებ ხელშეკრულების სტანდარტული  
პირობების  
ცვლილება N2

ქ. თბილისი

6 აგვისტო, 2018 წელი

საქართველოს ენერგეტიკისა და წყალმომარაგების მარეგულირებელი ეროვნული  
კომისიის 2018 წლის 26 ივლისის N61/17 გადაწყვეტილების საფუძველზე, 2014 წლის 1  
სექტემბრის (დისპეტჩერიზაციის ლიცენზიატის რეგისტრაციის N5/003-00,  
რეგისტრაციის თარიღი: 26.08.14) "გარანტირებული სიმძლავრის გაყიდვის შესახებ  
ხელშეკრულების სტანდარტულ პირობებში" განხორციელდეს შემდეგი სახის ცვლილება:

1. ხელშეკრულების მე-6 მუხლის 6.1 და 6.2 პუნქტები შეიცვალოს და ჩამოყალიბდეს შემდეგი რედაქციით:
2. „6.1. საწარმოზე გაყიდული გარანტირებული სიმძლავრე აისახება ელექტროენერგეტიკული ბაზრის ოპერატორსა და საწარმოს შორის მატერიალური ან ელექტრონული ფორმით გაფორმებულ გარანტირებული სიმძლავრის გაყიდვის აქტში.  
6.2. ელექტროენერგეტიკული ბაზრის ოპერატორი საწარმოს სათანადოდ გაფორმებულ და დამოწმებულ გარანტირებული სიმძლავრის გაყიდვის აქტის 4 ეგზემპლარს მატერიალური ან ელექტრონული ფორმით წარუდგენს ხელმოსაწერად საანგარიშო პერიოდის დასრულებიდან არაუგვიანეს 12 კალენდარული დღისა. საწარმო ვალდებულია ხელმოწერილი აქტის 2 ეგზემპლარი ელექტროენერგეტიკული ბაზრის ოპერატორს მატერიალური ან ელექტრონული ფორმით დაუბრუნოს მიღებიდან 2 კალენდარული დღის ვადაში.“;
3. ხელშეკრულების მე-6 მუხლის 6.10 პუნქტის შემდეგ დაემატოს 6.11 პუნქტი შემდეგი რედაქციით:  
„6.11. სტანდარტული პირობების 6.1 და 6.2 პუნქტით განსაზღვრულ შემთხვევებში, მიღება-ჩაბარების აქტის ელექტრონული ფორმით შედგენა და გაფორმება ხორციელდება ელექტროენერგეტიკული ბაზრის ოპერატორის ვებ-გვერდზე ([www.esco.ge](http://www.esco.ge)) არსებული ელექტრონული სისტემის მეშვეობით. ელექტრონული ფორმით გაფორმებულ და ხელმოწერილ მიღება-ჩაბარების აქტს აქვს მატერიალური ფორმით გაფორმებული და ხელმოწერილი მიღება-ჩაბარების აქტის თანაბარი იურიდიული ძალა.“.
4. წინამდებარე ცვლილება ძალაში შედის საქართველოს ენერგეტიკისა და წყალმომარაგების მარეგულირებელი ეროვნული კომისიის ადმინისტრაციულ-



სამართლებრივი აქტით დამტკიცებისა და მოქმედი კანონმდებლობით დადგენილი წესით დისპეტჩერიზაციის ლიცენზიატთან რეგისტრაციისთანავე და მოქმედებს უვადაოდ.

სს "ელექტროენერგეტიკული სისტემის  
კომერციული ოპერატორი"  
მისამართი: საქართველო, თბილისი,  
ძველი თბილისის რაიონი, ბარათაშვილის ქ. #2  
საბანკო რეკვიზიტები: სს "თიბისი ბანკი"  
ბანკის კოდი TBCBGE22  
ა/ა GE76TB7505936030100001  
საიდენტიფიკაციო კოდი: 205170036

ვახტანგ ამბოკაძე  
გენერალური დირექტორი



1 000  
STE

ES  
JU

• 205





# საქართველოს ენერგეტიკისა და წყალმომარაგების მარეგულირებელი ეროვნული კომისია

## გ ა დ ა ო წ ყ ვ ე ტ ი ლ ე ბ ა № 61/17

2018 წლის 26 ივლისი

ქ. თბილისი

**„გარანტირებული სიმძლავრის გაყიდვის შესახებ ხელშეკრულების სტანდარტულ პირობების დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილებაში ცვლილების შეტანის თაობაზე**

„ელექტროენერგეტიკისა და ბუნებრივი გაზის შესახებ“ საქართველოს კანონის მე-5 მუხლისა და 23<sup>1</sup> მუხლის მეოთხე პუნქტისა და საქართველოს ზოგადი ადმინისტრაციული კოდექსის 63-ე მუხლის საფუძველზე, საქართველოს ენერგეტიკისა და წყალმომარაგების მარეგულირებელმა ეროვნულმა კომისიამ

### გადაწყვიტა:

1. საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილების პირველი პუნქტით დამტკიცებული „გარანტირებული სიმძლავრის გაყიდვის შესახებ ხელშეკრულების სტანდარტულ პირობებში“ შეტანილ იქნეს შემდეგი ცვლილება:

ა) 6.1-6.2 პუნქტები ჩამოყალიბდეს შემდეგი რედაქციით:

„6.1. საწარმოზე გაყიდული გარანტირებული სიმძლავრე აისახება ელექტროენერგეტიკული ბაზრის ოპერატორსა და საწარმოს შორის მატერიალური ან ელექტრონული ფორმით გაფორმებულ გარანტირებული სიმძლავრის გაყიდვის აქტში.

6.2. ელექტროენერგეტიკული ბაზრის ოპერატორი საწარმოს სათანადოდ გაფორმებულ და დამოწმებულ გარანტირებული სიმძლავრის გაყიდვის აქტის 4 ეგზემპლარს მატერიალური ან ელექტრონული ფორმით წარუდგენს ხელმოსაწერად საანგარიშო პერიოდის დასრულებიდან არაუგვიანეს 12 კალენდარული დღისა. საწარმო ვალდებულია ხელმოწერილი აქტის 2 ეგზემპლარი ელექტროენერგეტიკული ბაზრის ოპერატორს მატერიალური ან ელექტრონული ფორმით დაუბრუნოს მიღებიდან 2 კალენდარული დღის ვადაში.“;

ბ) 6.10. პუნქტის შემდეგ დამატოს შემდეგი შინაარსის 6.11 პუნქტი:

„6.11. სტანდარტული პირობების 6.1 და 6.2 პუნქტით განსაზღვრულ შემთხვევებში, მიღების-ჩაბარების აქტის ელექტრონული ფორმით შედგენა და გაფორმება ხორციელდება ელექტროენერგეტიკული ბაზრის ოპერატორის ვებ-გვერდზე ([www.esco.ge](http://www.esco.ge)) არსებული ელექტრონული სისტემის მეშვეობით. ელექტრონული ფორმით გაფორმებულ და ხელმოწერილ მიღება-ჩაბარების აქტს აქვს მატერიალური ფორმით გაფორმებული და ხელმოწერილი მიღება-ჩაბარების აქტის თანაბარი იურიდიული ძალა.“.

2. გადაწყვეტილება ძალაშია კომისიის სხდომაზე გამოცხადების დღიდან.

3. გადაწყვეტილება შეიძლება გასაჩივრდეს თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი, მე-12 კმ, №6), მისი საჯაროდ გამოქვეყნებიდან ერთი თვის ვადაში.
4. დაევალოს კომისიის საზოგადოებასთან ურთიერთობის დეპარტამენტს, დაუყოვნებლივ უზრუნველყოს ამ გადაწყვეტილების საჯაროდ გამოქვეყნება კომისიის შენობაში საჯაროდ ხელმისაწვდომ ადგილას და კომისიის ვებ-გვერდზე ([www.gnerc.org](http://www.gnerc.org)).
5. კონტროლი გადაწყვეტილების შესრულებაზე დაევალოს კომისიის ელექტროენერგეტიკის დეპარტამენტს.

ირინა მილორავა

კომისიის თავმჯდომარე

გიორგი ფანგანი

კომისიის წევრი

მაია მელიქიძე

კომისიის წევრი

დავით წარმანია

კომისიის წევრი



გარანტირებული სიმძლავრის გაყიდვის შესახებ ხელშეკრულების სტანდარტული პირობების

ცვლილება №3

ქ. თბილისი



30 ივლისი, 2021 წელი

ვინაიდან, საქართველოს ენერგეტიკის მინისტრის 2006 წლის 30 აგვისტოს 77 ბრძანებით დამტკიცებულ „ელექტროენერგიის (სიმძლავრის) ბაზრის წესებში“ (შემდგომში - „ბაზრის წესები“) 2021 წლის 21 ივნისს №1-1/257 ბრძანებით განხორციელებული ცვლილების თანახმად შეიცვალა ელექტროენერგიით საბითუმო ვაჭრობაში მონაწილე კვალიფიციური საწარმოების ჩამონათვალი. კერძოდ, ჩამონათვალს დაემატა უნივერსალური მომსახურების მიმწოდებელი; თავისუფალი მიმწოდებელი; საჯარო მომსახურების სახით ელექტროენერგიის მიმწოდებელი; ბოლო ალტერნატივის მიმწოდებელი. ხოლო, განაწილების ლიცენზიატი შეცვალა განაწილების ლიცენზიატმა, განაწილების ქსელში დანაკარგების დაფარვის მიზნით ელექტროენერგიის შესყიდვის ნაწილში.

ვინაიდან, ზემოთ აღნიშნული კვალიფიციური საწარმოები „ბაზრის წესები“-ს მე-20 მუხლის მე-11 პუნქტების საფუძველზე წარმოადგენენ გარანტირებული სიმძლავრის შემსყიდველ მხარეებს.

საქართველოს ენერგეტიკისა და წყალმომარაგების მარეგულირებელი ეროვნული კომისიის 2021 წლის 29 ივლისის №35/23 გადაწყვეტილების საფუძველზე (დისპეტჩერიზაციის ლიცენზიატის რეგისტრაციის №5/003-00 თარიღი 26.08.2014) „გარანტირებული სიმძლავრის გაყიდვის შესახებ ხელშეკრულების სტანდარტულ პირობებში“ განხორციელდეს შემდეგი სახის ცვლილებები:

1. ხელშეკრულების 4.1.1 და 4.1.2 პუნქტები ჩამოყალიბდეს შემდეგი რედაქციით;

„4.1.1. ელექტროენერგეტიკული ბაზრის ოპერატორის მიერ იგი რეგისტრირებულია კვალიფიციურ საწარმოდ როგორც: პირდაპირი მომხმარებელი, ექსპორტიორი, ელექტროსადგურის მფლობელი პირი ელექტროსადგურის ექსპლუატაციაში მიღების მიზნით საცდელი გაშვებისა ან/და კომპლექსური გასინჯვის პერიოდში, უნივერსალური მომსახურების მიმწოდებელი, თავისუფალი მიმწოდებელი, საჯარო მომსახურების სახით ელექტროენერგიის მიმწოდებელი ან ბოლო ალტერნატივის მიმწოდებელი;

4.1.2. საანგარიშო პერიოდში მიწოდების პუნქტებში მიღებული აქვს ელექტროენერგია მისი საცალო მომხმარებლებისთვის მიწოდების, პირდაპირი მომხმარებლის, ექსპორტის ან ელექტროსადგურის ექსპლუატაციაში მიღების მიზნით საცდელი გაშვებისა ან/და კომპლექსური გასინჯვის პერიოდში.“.

*Handwritten signature in blue ink.*



2. წინამდებარე ცვლილება ძალაში შედის საქართველოს ენერგეტიკისა და წყალმომარაგების მარეგულირებელი ეროვნული კომისიის ადმინისტრაციულ-სამართლებრივი აქტით დამტკიცებისა და “ელექტროენერგიის (სიმძლავრის) ბაზრის წესებით” დადგენილი წესით დისპეტჩერიზაციის ლიცენზიანტთან რეგისტრაციისთანავე, მოქმედებს უვალოდ და ვრცელდება 2021 წლის 01 ივლისიდან წარმოშობილ ურთიერთობებზე.

სს “ელექტროენერგეტიკული სისტემის

კომერციული ოპერატორი”

მისამართი: საქართველო, თბილისი,

ძველი თბილისის რაიონი, ბარათაშვილის ქ. №2

საბანკო რეკვიზიტები: სს “თიბისი ბანკი”

ბანკის კოდი TBCBGE22

ა/ა GE76TB7505936030100001

საიდენტიფიკაციო კოდი: 205170036

გენერალური დირექტორი

ზაზა დვალისვილი







# საქართველოს ენერგეტიკისა და წყალმომარაგების პარამულისრეგულირებელი ეროვნული კომისია

## გ ა დ ა ო ყ ვ ე ტ ი ლ ე ბ ა №35/23

2021 წლის 29 ივლისი

ქ. თბილისი

**„გარანტირებული სიმძლავრის გაყიდვის შესახებ ხელშეკრულების სტანდარტული პირობების დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილებაში ცვლილების შეტანის თაობაზე**

2021 წლის 20 ივლისს საქართველოს ენერგეტიკისა და წყალმომარაგების მარეგულირებელ ეროვნულ კომისიას (შემდგომში - კომისია) №01/519 წერილით მომართა ელექტროენერგეტიკული ბაზრის ოპერატორმა (შემდგომში - ესკო).

წერილი შეეხება საქართველოს ენერგეტიკის მინისტრის 2006 წლის 30 აგვისტოს №77 ბრძანებით დამტკიცებულ „ელექტროენერგიის (სიმძლავრის) ბაზრის წესებში“ (შემდგომში - „ბაზრის წესები“) განხორციელებული ცვლილებებიდან გამომდინარე „გარანტირებული სიმძლავრის გაყიდვის შესახებ ხელშეკრულების სტანდარტული პირობების დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილებაში ცვლილების შეტანის საჭიროებას.

„ბაზრის წესებში“ საქართველოს ეკონომიკისა და მდგრადი განვითარების მინისტრის 2021 წლის 21 ივნისის №1-1/257 ბრძანებით განხორციელებული ცვლილებები, სხვა საკითხებთან ერთად, შეეხო ელექტროენერგიით საბითუმო ვაჭრობაში მონაწილე კვალიფიციური საწარმოების ჩამონათვალს. კერძოდ, ჩამონათვალს დაემატა უნივერსალური მომსახურების მიმწოდებელი, თავისუფალი მიმწოდებელი, საჯარო მომსახურების სახით ელექტროენერგიის მიმწოდებელი, ბოლო ალტერნატივის მიმწოდებელი და განაწილების ლიცენზიატი, განაწილების ქსელში დანაკარგების დაფარვის მიზნით ელექტროენერგიის შესყიდვის ნაწილში.

ელექტროენერგიით საბითუმო ვაჭრობაში მონაწილე კვალიფიციური საწარმოების ჩამონათვალის ცვლილებებიდან გამომდინარე, ახლებურად ჩამოყალიბდა „ბაზრის წესების“ მე-20 მუხლის მე-11 პუნქტიც, რომლის თანახმადაც, გარანტირებულ სიმძლავრეს ელექტროენერგეტიკული ბაზრის ოპერატორისაგან შეისყიდიან უნივერსალური მომსახურების მიმწოდებელი, თავისუფალი მიმწოდებელი, საჯარო მომსახურების სახით ელექტროენერგიის მიმწოდებელი, ბოლო ალტერნატივის მიმწოდებელი, პირდაპირი მომხმარებელი, ექსპორტიორები და ელექტროსადგურის მფლობელი პირი,

ელექტროსადგურის ექსპლუატაციაში მიღების მიზნით საცდელი გაშვებისა ან/და კომპლექსური გასინჯვის პერიოდში.

ვინაიდან, „ბაზრის წესების“ ახლებური რედაქცია ითვალისწინებს გარანტირებული სიმძლავრის შემსყიდველი მხარეების ცვლილებას, საჭიროა, შესატყვისი ცვლილება განხორციელდეს საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილებით დამტკიცებულ „გარანტირებული სიმძლავრის გაყიდვის შესახებ ხელშეკრულების სტანდარტული პირობებშიც“.

ყოველივე ზემოაღნიშნულიდან გამომდინარე, „ენერგეტიკისა და წყალმომარაგების შესახებ“ საქართველოს კანონის 23-ე და 168-ე მუხლების, ბაზრის წესების მე-20 მუხლისა და „საქართველოს ზოგადი ადმინისტრაციული კოდექსის“ 63-ე მუხლის საფუძველზე, კომისიამ

### გადაწყვიტა:

1. საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილების პირველი პუნქტით დამტკიცებული „გარანტირებული სიმძლავრის გაყიდვის შესახებ ხელშეკრულების სტანდარტული პირობების“ მე-4 მუხლის 4.1. პუნქტის 4.1.1. და 4.1.2 ქვეპუნქტები ჩამოყალიბდეს შემდეგი რედაქციით:

„4.1.1. ელექტროენერგეტიკული ბაზრის ოპერატორის მიერ იგი რეგისტრირებულია კვალიფიციურ საწარმოდ, როგორც: პირდაპირი მომხმარებელი, ექსპორტიორი, ელექტროსადგურის მფლობელი პირი ელექტროსადგურის ექსპლუატაციაში მიღების მიზნით საცდელი გაშვებისა ან/და კომპლექსური გასინჯვის პერიოდში, უნივერსალური მომსახურების მიმწოდებელი, თავისუფალი მიმწოდებელი, საჯარო მომსახურების სახით ელექტროენერგიის მიმწოდებელი ან ბოლო ალტერნატივის მიმწოდებელი;

4.1.2. საანგარიშო პერიოდში მიწოდების პუნქტებში მიღებული აქვს ელექტროენერგია მისი საცალო მომხმარებლებისთვის მიწოდების, პირდაპირი მოხმარების, ექსპორტის ან ელექტროსადგურის ექსპლუატაციაში მიღების მიზნით საცდელი გაშვებისა ან/და კომპლექსური გასინჯვის პერიოდში.“.
2. საქართველოს ენერგეტიკისა და წყალმომარაგების მარეგულირებელი ეროვნული კომისიის აპარატის საზოგადოებასთან ურთიერთობის დეპარტამენტმა დაუყოვნებლივ უზრუნველყოს ამ გადაწყვეტილების საჯაროდ გამოქვეყნება კომისიის ვებ-გვერდზე ([www.gnerc.org](http://www.gnerc.org)).
3. გადაწყვეტილება ძალაშია კომისიის საჯარო სხდომაზე გამოცხადების დღიდან და ვრცელდება 2021 წლის პირველი ივლისიდან წარმოშობილ ურთიერთობებზე.



4. გადაწყვეტილება შეიძლება გასაჩივრდეს თბილისის საქალაქო სასამართლოში (მის.: ქ. თბილისი, დავით აღმაშენებლის ხეივანი, №64) მისი საჯაროდ გამოქვეყნებიდან 1 (ერთი) თვის ვადაში.

დავით ნარმანია

კომისიის თავმჯდომარე

გოჩა შონია

კომისიის წევრი

გიორგი ფრუიძე

კომისიის წევრი

გიორგი ფანგანი

კომისიის წევრი



გარანტირებული სიმძლავრის გაყიდვის შესახებ ხელშეკრულების სტანდარტული პირობების  
ცვლილება N4

ქ. თბილისი

01 ივლისი, 2024 წელი

საქართველოს ენერგეტიკისა და წყალმომარაგების მარეგულირებელი ეროვნული კომისიის 2024 წლის 27 ივნისის N23/3 გადაწყვეტილების საფუძველზე, 2014 წლის 1 სექტემბრის (დისპეტჩერიზაციის ლიცენზიატის რეგისტრაციის N5/003-00, რეგისტრაციის თარიღი: 26.08.14) “გარანტირებული სიმძლავრის გაყიდვის შესახებ ხელშეკრულების სტანდარტულ პირობებში” განხორციელდეს შემდეგი სახის ცვლილება:

1. ხელშეკრულებიდან ამოღებულ იქნეს მე-9 მუხლის 9.3 პუნქტი.

სს “ელექტროენერგეტიკული სისტემის  
კომერციული ოპერატორი”  
მისამართი: საქართველო, თბილისი,  
ძველი თბილისის რაიონი, ბარათაშვილის ქ. #2  
საბანკო რეკვიზიტები: სს “თიბისი ბანკი”  
ბანკის კოდი TBCBGE22  
ა/ა GE76TB7505936030100001  
საიდენტიფიკაციო კოდი: 205170036

კახაბერ ქეზურია  
გენერალური დირექტორი







5/003-004

გარანტირებული სიმძლავრის გაყიდვის შესახებ ხელშეკრულების სტანდარტული პირობების  
ცვლილება N4

ქ. თბილისი

01 ივლისი, 2024 წელი

საქართველოს ენერგეტიკისა და წყალმომარაგების მარეგულირებელი ეროვნული კომისიის 2024 წლის 27 ივნისის N23/3 გადაწყვეტილების საფუძველზე, 2014 წლის 1 სექტემბრის (დისპეტჩერიზაციის ლიცენზიის რეგისტრაციის N5/003-00, რეგისტრაციის თარიღი: 26.08.14) "გარანტირებული სიმძლავრის გაყიდვის შესახებ ხელშეკრულების სტანდარტულ პირობებში" განხორციელდეს შემდეგი სახის ცვლილება:

1. ხელშეკრულებიდან ამოღებულ იქნეს მე-9 მუხლის 9.3 პუნქტი.

სს "ელექტროენერგეტიკული სისტემის  
კომერციული ოპერატორი"

მისამართი: საქართველო, თბილისი,

ძველი თბილისის რაიონი, ბარათაშვილის ქ. #2

საბანკო რეკვიზიტები: სს "თიბისი ბანკი"

ბანკის კოდი TBCBGE22

ა/ა GE76TB7505936030100001

საიდენტიფიკაციო კოდი: 205170036

კახაბერ ქეზურია

გენერალური დირექტორი

ს. ქეზურია





# საქართველოს ენერგეტიკისა და წყალმომარაგების პარამულისრებელი ეროვნული კომისია

## გ ა ღ ა წ ყ ვ ე ტ ი ლ ე ბ ა №23/3

2024 წლის 27 ივნისი

ქ. თბილისი

**„გარანტირებული სიმძლავრის გაყიდვის შესახებ ხელშეკრულების სტანდარტული პირობების დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილებაში ცვლილების შეტანის თაობაზე**

2024 წლის 12 ივნისს საქართველოს ენერგეტიკისა და წყალმომარაგების მარეგულირებელ ეროვნულ კომისიას (შემდგომში - კომისია) №01/598 წერილით (შემდგომში - წერილი) მომართა ელექტროენერგეტიკული ბაზრის ოპერატორმა (შემდგომში - ესკო).

წერილი შეეხება საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილებაში (შემდგომში - გადაწყვეტილება) ცვლილების შეტანის საჭიროებას.

ესკოს განცხადებით, აუცილებელია სტანდარტული პირობებიდან ამოღებულ იქნეს მე-9 მუხლი 9.3 პუნქტი, რომლითაც ესკოს ეძლევა უფლება მოითხოვოს პირველი ინსტანციის სასამართლოს მიერ მიღებული გადაწყვეტილების დაუყოვნებლივ აღსასრულებლად მიქცევა, საქართველოს სამოქალაქო საპროცესო კოდექსის 268-ე მუხლის 1<sup>1</sup> ნაწილის შესაბამისად. აღნიშნული განპირობებულია, საქართველოს საკონსტიტუციო სასამართლოს 2023 წლის 11 აპრილის №2/3/1421,1448,1451 გადაწყვეტილებით, რომლითაც ძალადაკარგულად გამოცხადდა საქართველოს სამოქალაქო საპროცესო კოდექსის 268-ე მუხლის 1<sup>1</sup> ნაწილის პირველი და მეორე წინადადებები, კერძოდ, თუ ეს პირდაპირ არის გათვალისწინებული ხელშეკრულებით, ხელშეკრულებიდან გამომდინარე დავებთან დაკავშირებით პირველი ინსტანციის სასამართლოს მიერ მიღებული გადაწყვეტილების დაუყოვნებლივ აღსასრულებლად მიქცევის შესაძლებლობა.

კომისიამ განიხილა წერილში მოცემული არგუმენტაცია, ასევე მასზე თანდართული გადაწყვეტილებაში შესატანი ცვლილების პროექტი და მიიჩნევს, რომ ესკოს მოთხოვნა დასაბუთებულია და საჭიროა სტანდარტულ პირობებში შესაბამისი, საქართველოს საკონსტიტუციო სასამართლოს 2023 წლის 11 აპრილის №2/3/1421,1448,1451 გადაწყვეტილებიდან გამომდინარე ცვლილების განხორციელება.


ყოველივე ზემოაღნიშნულიდან გამომდინარე, „ენერგეტიკისა და წყალმომარაგების შესახებ“ საქართველოს კანონის 23-ე მუხლისა და „საქართველოს ზოგადი ადმინისტრაციული კოდექსის“ 63-ე მუხლის საფუძველზე, კომისიამ



### გადაწყვეტა:


1. საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/2 გადაწყვეტილების პირველი პუნქტით დამტკიცებული გარანტირებული სიმძლავრის გაყიდვის შესახებ ხელშეკრულების სტანდარტული პირობების მე-9 მუხლის 9.3 პუნქტი ამოღებულ იქნეს.
2. საქართველოს ენერგეტიკისა და წყალმომარაგების მარეგულირებელი ეროვნული კომისიის აპარატის საზოგადოებასთან ურთიერთობის დეპარტამენტმა დაუყოვნებლივ უზრუნველყოს ამ გადაწყვეტილების საჯაროდ გამოქვეყნება კომისიის ვებ-გვერდზე ([www.gnerc.org](http://www.gnerc.org)).
3. გადაწყვეტილება ძალაშია კომისიის საჯარო სხდომაზე გამოცხადების დღიდან.
4. გადაწყვეტილება შეიძლება გასაჩივრდეს თბილისის საქალაქო სასამართლოში (მის.: ქ. თბილისი, დავით აღმაშენებლის ხეივანი, №64) მისი საჯაროდ გამოქვეყნებიდან 1 (ერთი) თვის ვადაში.

გიორგი ფანგანი




კომისიის თავმჯდომარე - მ.შ.

დავით თვალაბეიშვილი



კომისიის წევრი

გიორგი ფრუიძე



კომისიის წევრი